



МОНГОЛ УЛСЫН
ЭРҮҮЛ МЭНДИЙН САЙДЫН
ТУШААЛ

2018 оны 08 сарын 01 өдөр

Дугаар А/317

Улаанбаатар хот

Техникийн комисс шинэчлэн байгуулах,
журам батлах тухай

Монгол Улсын Засгийн газрын тухай хуулийн 24 дүгээр зүйлийн 24.2 дахь хэсэг, Хэмжлийн нэгдмэл байдлыг хангах тухай хуулийн 7 дугаар зүйлийн 7.2.2 дахь заалт, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 46 дугаар зүйлийн 46.1.6 дахь заалт, Гадаадын зээл, тусламжийг зохицуулах тухай хуулийн 14 дүгээр зүйлийн 14.1.3 дахь заалт, Сангийн сайдын 2012 оны "Төрийн болон орон нутгийн өмчийн хөрөнгөөр бараа, ажил, үйлчилгээ худалдан авах ажиллагааг төлөвлөх, тайлагнах журам" батлах тухай 264 дүгээр, Сангийн сайдын 2012 оны "Төсвийн хөрөнгө оруулалтын санхүүжилтийн журам" батлах тухай 290 дугаар тушаалыг тус тус үндэслэн ТУШААХ нь:

1. Яамны зохион байгуулалтын бүтэц, бүрэлдэхүүн өөрчлөгдсөнтэй холбогдуулан Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй тоног төхөөрөмжийг эцсийн хэрэглэгч байгууллагын хүлээн авах комисс ажиллахаас өмнө "Эмнэлгийн тоног төхөөрөмжийг туршилтаар ажиллуулж шалгалт хийх, гэрээнд тусгагдсан техникийн тодорхойлолт хангаж буй эсэхийг хянах, баталгаажуулах" техникийн комиссыг нэгдүгээр хавсралтаар шинэчлэн байгуулсугай.

2. Техникийн комиссын үйл ажиллагааны журмыг хоёрдугаар хавсралтаар баталсугай.

3. Техникийн комиссын үйл ажиллагааг зохион байгуулж, дүнг танилцуулахыг Ажлын хэсгийн ахлагч, Эм, үйлдвэрлэл, технологийн газрын дарга /Д.Оюунчимэг/-т үүрэг болгосугай.

4. Тушаалын хэрэгжилтэд хяналт тавьж ажиллахыг Төрийн нарийн бичгийн дарга /Э.Содномжамц/-д даалгасугай.

5. Энэхүү тушаал гарсантай холбоотойгоор Эрүүл мэндийн сайдын 2016 оны 12 дугаар сарын 06 -ны өдрийн "Техникийн комисс шинэчлэн байгуулах, журам батлах тухай" А167 дугаар тушаалыг хүчингүй болгосугай.

САЙД  Д.САРАНГЭРЭЛ

081316

Эрүүл мэндийн сайдын 2018
оны 08 сарын 01-ны өдрийн
А/317 дугаар тушаалын 1 дүгээр хавсралт

**“ЭМНЭЛГИЙН ТОНОГ ТӨХӨӨРӨМЖИЙГ ТУРШИЛТААР АЖИЛЛУУЛЖ ШАЛГАЛТ
ХИЙХ, ГЭРЭЭНД ТУСГАГДСАН ТЕХНИКИЙН ТОДОРХОЙЛОЛТ ХАНГАЖ БУЙ
ЭСЭХИЙГ ХЯНАХ, БАТАЛГААЖУУЛАХ” ТЕХНИКИЙН КОМИССЫН
БҮРЭЛДЭХҮҮН**

Техникийн комиссын дарга

Д.Оюунчимэг, Эм, үйлдвэрлэл,
технологийн газрын дарга

Нарийн бичгийн дарга:

Н.Гэрэлт-Од, Эм, үйдвэрлэл,
технолргийн газрын Эмнэлгийн тоног
төхөөрөмж, хэмжлийн нэгдмэл байдлын
асуудал хариуцсан ахлах мэргэжилтэн

Б.Сансармаа, Эрүүл мэндийн хөгжлийн
төвийн Эм, эмнэлгийн тоног
төхөөрөмжийн албаны Эмнэлгийн тоног
төхөөрөмжийн асуудал хариуцсан ахлах
мэргэжилтэн

Гишүүд:

Г.Бат-Эрдэнэ, Эдийн засаг, санхүү
хөрөнгө оруулалтын газрын Хөрөнгө
оруулалтын хэлтсийн Тоног төхөөрөмжийн
хөрөнгө оруулалтын асуудал хариуцсан
мэргэжилтэн

Б.Батцоож, Эрүүл мэндийн хөгжлийн
төвийн Эм, эмнэлгийн тоног
төхөөрөмжийн албаны Эмнэлгийн тоног
төхөөрөмжийн бүртгэл, судалгаа,
мэдээллийн сан хариуцсан мэргэжилтэн

Б.Санж-Очир, Эрүүл мэндийн хөгжлийн
төвийн Эм, эмнэлгийн тоног төхөөрөмжийн
албаны Эмнэлгийн тоног төхөөрөмжийн
засвар үйлчилгээ, тохируулга хариуцсан
мэргэжилтэн

Ж.Халиунаа, Эрүүл мэндийн хөгжлийн
төвийн Эм, эмнэлгийн тоног
төхөөрөмжийн албаны Эмнэлгийн тоног
төхөөрөмжийн шалгалт баталгаажуулалт
хариуцсан мэргэжилтэн

Эрүүл мэндийн сайдын 2018
оны 08 сарын 01-ны өдрийн
А/317 дугаар тушаалын 2 дугаар хавсралт

ТЕХНИКИЙН КОМИССЫН АЖИЛЛАХ ЖУРАМ

Нэг. Нийтлэг үндэслэл

1.1 Энэхүү журмыг Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай, Гадаадын зээл, тусламжийг зохицуулах тухай, Хэмжлийн нэгдмэл байдлыг хангах тухай хуулийн хүрээнд Эрүүл мэнд, спортын сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй тоног төхөөрөмжийг эцсийн хэрэглэгч байгууллагын хүлээн авах комисс ажиллахаас өмнө шаардлагатай тохиолдолд туршилтаар ажиллуулж шалгалт хийх, гэрээнд тусгагдсан техникийн тодорхойлолт хангаж буй эсэхийг хянах, баталгаажуулах үйл ажиллагаанд баримтална.

1.2 Мэдээллийн технологийн тоног төхөөрөмжийн хувьд Төрийн нарийн бичгийн даргын 2018 оны 04 дүгээр сарын 10 –ны өдрийн Техникийн ажлын хэсэг байгуулах тухай А/138 тоот тушаалыг дагаж мөрдөнө.

1.3 Эрүүл мэндийн сайдын тушаалаар томилогдсон техникийн комисс /цаашид "техникийн комисс" гэх/ хяналт, шалгалт, туршилтын үр дүнг тайлагнах, техник үзүүлэлт хангаж буй эсэхэд урьдчилсан дүгнэлт гаргана.

Хоёр. Техникийн комиссын зохион байгуулалт, эрх, үүрэг

2.1 Техникийн комисс нь үйл ажиллагаандаа Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай, Гадаадын зээл, тусламжийг зохицуулах тухай, Хэмжлийн нэгдмэл байдлыг хангах тухай хуулиуд болон Эмнэлгийн тоног төхөөрөмжид шалгалт тохируулга хийх журам, энэхүү журмыг удирдлага болгоно.

2.2 Техникийн комисс нь техникийн комиссын дарга, техникийн комиссын нарийн бичгийн дарга болон холбогдох мэргэжилтнүүдээс бүрдсэн байна.

2.3 Техникийн комиссын үйл ажиллагааны хэлбэр нь нийлүүлэгч, төсөл хэрэгжүүлэгч байгууллагуудаас ирсэн хүсэлт, гэрээ болон хавсаргасан материалуудыг үндэслэн нийлүүлэгчийн агуулах, эцсийн хэрэглэгчийн байранд очиж хяналт, шалгалт, туршилт хийх ба үр дүн нь захиалагч болон нийлүүлэгч талууд хүлээн зөвшөөрсөн урьдчилсан дүгнэлт байна.

2.4 Газар дээр нь хянаж шалгахдаа дараах ажиллагааг хэрэгжүүлнэ. Үүнд:

2.4.1 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй тоног төхөөрөмжүүдийн татан авалт, нийлүүлэлтийн явц, хадгалалтын нөхцөлтэй танилцах

2.4.2 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй тоног төхөөрөмжүүдийн техник үзүүлэлтийг гэрээнд тусгагдаж батлагдсан техник үзүүлэлт, дагалдах хэрэгслийн тоо ширхэг, бүрэн бүтэн байдлын тулгалт хийж, хянах

2.4.3 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй

тоног төхөөрөмжүүдийн техник үзүүлэлтийг тухайн тоног төхөөрөмжийн дагалдаж ирсэн паспорт, бичиг баримттай тулгалт хийх

2.4.4 Шаардлагатай тохиолдолд Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар нийлүүлэгдэж буй эмнэлгийн тоног төхөөрөмжүүд дээр шалгалт баталгаажуулалт хийх симулятор болон анализатор ашиглан дүгнэлт гаргах /Эрүүл мэндийн хөгжлийн төвийн Эм, эмнэлгийн тоног төхөөрөмжийн алба/

2.5 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч байгууллагаас тухайн тоног төхөөрөмжийн ашиглалтын сургалтын хөтөлбөрийг батлуулан гаргуулж, хянана.

2.6 Эрүүл мэндийн сайдын батлагдсан төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч байгууллагаас тухайн тоног төхөөрөмжийн монгол хэл дээр хөрвүүлсэн ашиглалтын гарын авлага, засвар үйлчилгээний хуваарь, сэлбэг хэрэгслийн жагсаалтыг баталгаажуулан гаргуулж, хянана.

2.7 Хяналт, шалгалт, туршилтаар зөрчил илрээгүй тоног төхөөрөмжүүд дээр гэрээний дагуу татан авалт хийгдсэн, техникийн тодорхойлолт хангасан, эцсийн хэрэглэгчийн хүлээн авах комисс ашиглахад бэлэн болсон тухай урьдчилсан дүгнэлт гаргаж өгнө.

2.8 Техникийн комисс нийлүүлэгч байгууллагаас ирүүлсэн албан тоотыг хүлээн авснаас хойш ажлын 10 - 14 хоногийн дотор тухайн байгууллагын тоног төхөөрөмжтэй танилцаж, шаардлагатай тохиолдолд туршилтаар ажиллуулж хяналт, шалгалт хийж, техникийн тодорхойлолт хангаж буй эсэхэд урьдчилсан дүгнэлтийг гаргана. Урьдчилсан дүгнэлт нь эцсийн хэрэглэгч байгууллагын тоног төхөөрөмжийг хүлээн авсан комиссын актыг орлохгүй.

2.9 Захиалагч нь техникийн комиссын урьдчилсан дүгнэлтийг үндэслэн шалгалт, туршилтаар техникийн тодорхойлолтыг хангаагүй, бичиг баримтын бүрдэл дутуу тоног төхөөрөмжөөс татгалзах, нийлүүлэгчээс тус барааг үнэ төлбөргүй солих эсвэл техникийн тодорхойлолттой нийцүүлэх арга хэмжээ авч ажиллахыг шаардах эрхтэй.

Гурав. Эцсийн хэрэглэгч эрүүл мэндийн байгууллага болон нийлүүлэгч, төсөл хэрэгжүүлэгч байгууллагын үүрэг

3.1 Эцсийн хэрэглэгч эрүүл мэндийн байгууллагууд техникийн комиссын урьдчилсан дүгнэлт, захиалагч болон гүйцэтгэгч хооронд байгуулсан гэрээ, холбогдох хууль тогтоомж зэргийг үндэслэн тоног төхөөрөмжийг хүлээн авах комисс байгуулан, эцсийн хүлээн авалт хийж "Тоног төхөөрөмж хүлээн авсан комиссын актыг Сангийн сайдын 2012 оны 290 дугаарын тушаалын 6-р хавсралтын дагуу үйлдэж" үр дүнг танилцуулна.

3.2 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч байгууллага нь урьдчилсан дүгнэлтээр зөвшөөрөл олгогдсоны дараа тухайн тоног төхөөрөмжийн угсралт, суурилуулалтыг бүрэн хийж, холбогдох сургалтыг зохион байгуулж, ашиглалтад бүрэн оруулсны дараа эцсийн хэрэглэгч байгууллагын хүлээн авах комисст хүлээлгэн өгнө.

3.3 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч, төсөл хэрэгжүүлэгч байгууллага нь дараах баримт бичгийг бүрдүүлсэн байна. Үүнд:

3.3.1 Тоног төхөөрөмж нийлүүлэхэд бэлэн болсон тухай албан тоот

- 3.3.2 Тоног төхөөрөмжийн техникийн тодорхойлолт /Гэрээнд тусгагдаж батлагдсан/
- 3.3.3 Тоног төхөөрөмжийн ашиглалт, аюулгүй ажиллагааны болон засвар үйлчилгээний сургалтын хөтөлбөр, батлагдсан хуваарь
- 3.3.4 Баталгаат засварын хугацаан дахь засвар үйлчилгээ, тохиргооны батлагдсан хуваарь
- 3.3.5 Гарын авлага, удирдамж (Монгол хэл дээр) – цахим хэлбэрээр байж болно
- 3.3.6 Сэлбэг хэрэгслийн жагсаалт, үнийн хамт
- 3.3.7 Үйлдвэрлэгчээс гаргасан холбогдох ном, гарын авлага, танилцуулга

Дөрөв. Хамрах хүрээ:

- 4.1 ЭМЯ-ны харьяа Төв эмнэлэг, тусгай мэргэжлийн төвүүд
- 4.2 Аймаг, нийслэлийн эрүүл мэндийн байгууллагууд
- 4.3 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч байгууллагууд, төсөл хэрэгжүүлэгч байгууллагууд

Тав. Үр дүн:

Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч байгууллагуудаас эцсийн хэрэглэгч байгууллын хүлээн авах комисс ажиллахаас өмнө баримт бичгийн болон бусад хяналт, шалгалт, туршилт хийгдсэн байна.

Зургаа. Үйл ажиллагааны хүн хүчин:

- 6.1 Техникийн комиссын бүрэлдэхүүн
- 6.2 Эрүүл мэндийн сайдын багцад батлагдсан улсын төсвийн хөрөнгө оруулалтаар болон төсөл хөтөлбөр, зээл, хандив тусламжаар тоног төхөөрөмж нийлүүлэгч, төсөл хэрэгжүүлэгч байгууллагын төлөөллүүд
- 6.3 Эцсийн хэрэглэгч эрүүл мэндийн байгууллагууд, хүлээн авах комисс
- 6.4 Эрүүл мэндийн хөгжлийн төвийн Эм, эмнэлгийн тоног төхөөрөмжийн алба